

Txog: Nthuav dav ntxiv rau coob tus hno tau koob tshuaj; yuav teem caij hno tshuaj li cas

*Tsab xov xwm no yog txog*

- *Neeg coob ntxiv hno tau koob tshuaj*
- *Yuav teem caij hno tshuaj li cas*
- *Tom qab nej hno tshuaj tiav tas li kom hno lawm*

Tam li peb mus ze zuj zus rau cov asthiv yuav kawg rau lub caij kawm, peb muaj kev zoo siab qhuas tias peb ua tau zoo txo qhov tus kab mob COVID-19 kom txhob kis:

- Tshaj 15,000 leej cov neeg ua haujlwm thiab mejyig tau hno tsawg kawg yog thawj koob tshuaj lawm
- Lub asthiv no, peb xav tias yuav muaj tshaj 10,000 leej cov mejyig thiab neeg ua num yuav tsis tau kuaj COVID-19 hauv tsev kawm ntawv txhua asthiv lawm, uas tau hno koob thib ob muaj ob asthiv (tsawg kawg yog ob asthiv rau yam hno tib koob xwb los koob thib ob rau cov hno ob zaug)
- Li ib nrab ntawm cov neeg muaj 16 thiab tshaj nyob hauv *Dane County* tau hno tsawg kawg yog thawj koob lawm – lub *county* xav tias tus lej no yuav nce mus txog li 80 feem pua rau lub Tsib Hlis xiab 5

Txawm hno tshuaj puv li hais, qhib kev nyabxeeb ua tau ntau yam, los txog thaum cov neeg hauv zej zog hno tshuaj tas lawm, **nws tseem ceeb rau txhua tus– nrog rau cov hno tshuaj tas – yuav tsum ceev faj ntxiv, xws li npog qhov ncauj qhov ntswg thiab nyob kom sib nrug deb.**

Qhov no tseem ceeb heev vim **peb pib pom muaj coob tus hauv tsev kawm ntawv thiab tawm sab nraum kis tau tus kab mob** thiab **cov kab mob COVID-19 txia tshiab tau kis ntau heev thoob tebchaws thiab hauv Wisconsin.**

### **Neeg coob ntxiv hno tau koob tshuaj**

Lus asthiv no, txhua tus nyob, ua haujlwm los kawm ntnawv hauv Wisconsin thiab muaj hnuv nyoog 16 xyoo teem tau caij hno koob tshuaj tiv thaiv COVID-19 lawm.

Peb cuab nej zog kom nrhiav caij hno koob tshuaj tiv thaiv COVID-19. Nov tsis yog tiv thaiv nej xwb, nws kuj tiv thaiv cov nyob ze nej, xws li cov neeg yuav mob tau loj los tuag taus. [Tshuaj hno dawb rau txhua tus nyob hauv \*United States\*](#), tsis hais muaj ntawv nyob teb chaws no los ho muaj mob li cas.

## Yuav teem caij hno tshuaj li cas

- Peb xav kom nej nrhiav xyuas txhua qhov uas hno tshuaj, nrog rau cov chaw muaj tshuaj thiab kuaj mob, thoob plaws hauv xeev. Lub *Centers for Disease Control and Prevention* muaj kev pab nrhiav chaw hno tshuaj hauv: <https://vaccinefinder.org/>
- Tso npe rau hauv [Wisconsin Department of Health Services registry](#). Thaum nej tso npe rau lawm, DHS yuav xa *email* rau nej txog cov caij teem tawm sab nraum tsev kawm ntawv. Lawv yuav tsis xa *email* rau nej txog cov caij teem rau hauv tsev kawm ntawv.
- UHS kuj teem caij hno tshuaj tiv thaiv COVID-19 thiab, tabsis peb tau txais tshuaj tsis txaus tas li los ntawm xeev thiab teem tsis tau caij ntau npaum li peb xav muaj. **UHS yuav tsis qhia nej tias thaum twg muaj teem tau caij – nej yuav tsum [mus saib hauv MyUHS portal](#) teem ib lub caij.** Thaum ua tau, nej yuav xaiv tau koob tshuaj twg nej xav hno (raws qhov muaj tshuaj thaum nej nrhiav teem caij).
- Yog UHS tsis muaj caij rau nej teem thawj zaug nej mus xyuas, **thov mus xyuas ntxiv; muaj caij teem ntxiv thaum tau tshuaj ntxiv.** Cov caij teem muaj tshiab thaum ib nrab txhua lub asthiv. Tej zaum lub *MyUHS portal* kuj muaj qhia cov caij teem tawm sab nraum tsev kawm ntawv thiab.

## Tom qab nej hno tshuaj tas li kom hno lawm

- Yog nej hno nyob hauv tsev kawm ntawv, nej cov ntawv hno tshuaj yuav muaj nyob hauv nej qhov *MyUHS portal*. Nej yuav tsis tau ua dabtsis kom txhob tau kuaj ntxiv hauv tsev kawm ntawv lawm.
- Yog nej hno tshuaj tawm sab nraum tsev kawm ntawv, **thov [muab nej cov ntawv hno tshuaj tso](#) rau hauv *MyUHS* tom qab nej hno koob tshuaj kawg.** Tej zaum nws yuav siv txog 5 hnuv ua haujlwm nej cov ntawv hno tshuaj thiaj yuav tshwm rau hauv *MyUHS*. Muab nej cov ntawv hno tshuaj, nej pab cov thawj coj hauv tsev kawm ntawv to taub tias nws pab tau ib tsoom hauv tsev kawm ntawv ntau npaum li cas thiab pab lawv txiav txim rau kev khiav haujlwm.
- Qhov nej yuav tsis tau kuaj COVID-19 yog ob asthiv tom qab nej hno koob tshuaj kawg.

## Yuav muab kev pas li cas

- **Yog nej muaj lus nug** tsis tau teb txog nyob hauv peb [Cov Lus Neeg Nug Txog Tas Li \(FAQ\)](#), nej xa ntawv tau rau [covidresponse@vc.wisc.edu](mailto:covidresponse@vc.wisc.edu) los hu rau *UW–Madison COVID-19 Assistance Line* tus xovtooj (608) 262-7777.
- Thov mus saib hauv [COVID-19 Response lub website](#) rau kev qhia ntxiv.